

喙下音卓翔翔上音祥鳴下音到窠巢上音苦  
和反下植時力反匱下求位反巧求乞也音蓋要  
 言阨上音邀一約也俛仰上音免

佛說眾許摩訶帝經卷第十二

給九

西天譯經藏朝散大夫試鴻臚少卿明教大師臣法賢奉詔譯

尔時世尊在於寒林受給孤長者請預知舍  
 衛國中有諸外道各各苦行又復聰明雖勤  
 修習不得解脫根緣已熟受化是時世尊又  
 觀誰可往彼唯舍利弗乃有宿因此若先行  
 必有大利於是世尊喚舍利弗令先往彼舍  
 衛大城助給孤獨建立精舍尊者受命往舍  
 衛城詣長者所事皆參議給孤長者承外道  
 意來白尊者彼欲論義於理如何又云此國  
 之人素未知佛於法勝劣宜其宣揚舍利弗  
 曰善哉善哉斯言誠諦尊者於是入定觀察

諸外道輩及舍衛國人根緣成熟有幾時分  
 見彼人眾唯餘七日尊者出定告長者曰請  
 語外道過七日已可來論義長者具告外道  
 思惟立七日限斯有二事一者知己非勝設  
 計私逃二者或求本朋來共商權如是思已  
 我今云何不求朋侶由是諸處親自訪尋乃  
 得一人名赤眼婆羅門而吉之曰彼瞿曇沙  
 門有大弟子索我論義汝婆羅門應宜相助  
 何以故若自得勝利養猶存彼或勝時我等  
 何往彼即問言何時論義報曰後當七日至  
 時相報必來助汝然婆羅門憂其墮負心甚  
 煩惱發信諸處求告朋黨七日滿已給孤長  
 者就寬靜處權立論場即為舍利弗尊者排  
 師子座為彼外道對排高座列座既畢遠近  
 咸集若公若私迫及少長有百千人集彼論  
 處亦有別國外道婆羅門亦來會所給孤長  
 者手執香爐焚以妙香與眷屬等同為擁從  
 迎舍利弗上師子座尊者坐定一切瞻仰觀

其威容悉皆讚歎時彼外道與眾相隨亦昇高座安坐已定尊者告言汝欲何作外道言我現神通我既現已汝當亦現尊者報言我所作者天上人間所不能作云何汝言能同我作尊者又言赤眼婆羅門汝所作者我悉能破赤眼婆羅門化作花樹如寶芳葩豔冶動眾尊者神力出微少風其花根苗吹散異處又化一池水滿澄湛蓮花徧發人讚異常尊者化出大象膚體端正入地蹂踐須臾狼藉外道又化一龍而有七首張鱗勢目奮惡舉空尊者化金翅王從空飛下至於龍首龍自降伏時彼外道乃於最後化羅刹身立給九在

為沙門尊者大慈哀愍聽許舍利弗即與攝受度為沙門後修梵行斷盡煩惱雖居三界而離貪毒其心平等猶如虛空觀金如土而無別異於後修習得三明六通證阿羅漢果乃得帝釋梵天而來供養時大眾驚怪目住心疑異口同聲讚舍利弗是論義師無人能敵猶如牛玉處於眾群一切瞻仰無有厭足時舍利弗知眾心意及其種性即為廣說苦集滅道四聖諦法是會大眾有發三歸心者有發聲聞菩提心者有發辟支菩提心者有發無上菩提心者亦有出家證得須陀洹果有證斯陀含果有證阿那含果有證阿羅漢果論義畢已會眾皆散諸外道中有執性者以其論義不勝辱於屈伏潛共計議欲謀不軌可投長者請作工人或得便時殺彼尊者設計已定白長者言汝已斷我一切利養今者無所歸趣却願相愍收作工人或察卑心且住鄉土或不從允各去他邦哀告再三傍不給九

忍聽長者於是具述彼意白舍利弗仁可思  
察於理如何舍利弗即入三昧觀彼根緣證  
道非遙遠云無患長者即退錄其姓名遣作  
工夫例與其直時舍利弗化出一人於工夫  
中便爲首領尊者於後觀知根熟來彼役所  
就一樹下安詳而坐時彼外道初爲得便各  
各心喜欲來親近而彼首領執杖驅策不得  
前進役既疲苦乃發聲言聖大尊者救我救  
我舍利弗曰汝等疲勞可自歇息諸外道此  
大尊者我發殺心欲謀其命今亦知我而今  
止息實自慙懼無以再言時舍利弗察其追  
悔又知根性成熟時分乃呼近前便與說法  
即爲演說苦集滅道四聖諦法外道聞已所  
有身見如二十山峯以金剛智悉破無餘應時  
獲得須陀洹果復言尊者欲於正法出家爲  
僧舍利弗攝受度爲沙門漸漸進修精持梵  
行見於輪迴趣其究竟斷盡煩惱證阿羅漢  
果其心平等猶如虛空觀彼金土兩物不異

棄捨世利得大清涼當受帝釋諸天一切供  
養尔時舍利弗化外道已即與給孤長者共  
持一繩各執其頭量度精舍都大界至界至  
已定給孤長者所感果報於兜率天現金宮  
殿給孤長者不達聖意謂舍利弗曰今此精  
舍不獨只爲諸阿羅漢我爲如來應正等覺  
舍利弗曰我本所作正爲如來及阿羅漢又  
謂長者曰汝此封地天報已現即借天眼令  
其自見長者見已驚喜無量於是復發上上  
品心舍利弗又自持繩一頭令長者還執一  
頭於中分擘十六殿堂六十小堂佛僧住處  
各各已定彼金官殿變寶莊嚴尊者借通復  
令觀見長者歡喜乃自歎曰我此所作當感  
如是福德之利長者自見當來福報重重有  
異復更於事轉倍精勤擘殿堂已及備其中  
一切受用精舍事畢復白尊者世尊行住其  
量云何尊者報言用輪王儀於是長者自舍  
衛國至王舍城每十俱舍各造一宮以備

給九

四

如來止宿之地及置庫藏收貯一切所受用物復令主者而恒守護以白檀水日日灑淨伺候如來令其香潔處處如是皆使嚴備辦事畢已即發一人詣王舍城請佛及衆謂所去人汝到於彼代我詞曰給孤長者替首雙足白于世尊少病少惱起居輕利安樂行否所立精舍今已嚴備願佛及衆愍念降臨當盡此生奉上僧伽梨飲食湯藥并卧具種種受用不使乏少佛正徧知願鑒度切去人領意到於佛所以長者言具白世尊復倍虔心而伸告請傳意已畢五體著地禮佛雙足旋繞三匝願住佛前佛利樂故默然許之去人知佛使定赴請速還舍衛見於長者而白言云世尊默然必來降赴長者歡喜於是陳列傘蓋幢幡名香妙花處處迎接

是離欲是善解脫是阿羅漢是佛眷屬譬如牛王處於衆羣亦如象王衆象圍繞師子王師子圍繞鵝王鵝衆圍繞金翅王金翅圍繞又如衆學隨師衆病求醫衆兵輔將衆商依主又如轉輪聖王千子圍繞持國天王樂神圍繞增長天王鳩槃荼鬼圍繞廣目天王龍衆圍繞多聞天王夜叉圍繞日天千光圍繞月天星宿圍繞帝釋天衆圍繞梵王梵衆圍繞乃至復如悉帝彌魚處於海中亦如海神攝聚衆水如來之身三十二相八十種好具足圓滿光明莊嚴如千日光照耀一切行步巍巍猶如寶山具足大悲十力四無畏等一切諸法亦時世尊成就如是殊勝威德解脫眷屬次第行化至舍衛國時給孤長者與其眷屬將諸侍人各各執持幢幡寶蓋及妙香花出舍衛城遠迎世尊及大聖衆復有國中長者士庶若男若女百千人衆亦來迎接又有無數諸天在虛空中隨喜讚歎亦時世尊



入城門時即以右足踏其門闕於是大地六種震動放大光明照耀世間天鼓自鳴雨衆天花所謂優鉢羅花鉢捺摩花俱母那花奢摩里迦花乃至曼陀羅劫樹等花又降沉檀及多摩羅等衆妙香料又復舍中種種音樂不鼓自鳴盲者得視聾者聞聲啞者能言不<sub>六</sub>完具者皆得完具迷醉者得醒食毒者自安相憎者和解禁縛者解脫懷妊者得生乃至貧者得豐資財世尊入城之時乃有如是百千吉祥瑞應利益之事至長者宅佛與大眾次第而坐長者所有若親若疎一切眷屬皆來焚香散花禮拜供養種種畢已給孤長者執爐焚香引佛世尊入於精舍佛昇寶座諸阿羅漢亦皆就坐時給孤長者即取金瓶欲灌世尊網輓之手瀉水不出長者思惟我莫昔有不善業耶乃於今日致有斯事佛告長者無不善業但爲此地汝於過去正等正覺已曾捨施修爲精舍勿作住心今爲能施若

離此者水必流出長者對曰如佛所說作是語已瓶水出聲具五功德灌佛手已願佛隨意又復自言請爲立名時祇陀童子亦在佛會作是念曰佛若知者先說我名佛應所思立精舍名號祇樹給孤獨園祇陀童子得聞是以乃於如來轉倍發心歡喜愛樂更以四寶莊嚴其門祇樹給孤精舍之名因此所立<sub>給九</sub>今時舍衛國主勝軍大王聞佛遊化來入其國受給孤長者請住於精舍歡喜踊躍詣於佛所以種種語讚歎世尊禮拜旋繞却坐一面作是言曰我聞瞿曇沙門知自心相證得阿耨多羅三藐三菩提瞿曇沙門依法喜論說彼所有心亦得名邪亦得名正亦可作善亦可作惡而此心相無有去來不可知不可說是甚深法云何可知佛言王所說者乃是真實而彼心者亦得名邪亦得名正亦可作善亦可作惡而此心相無有去來不可知不可說是甚深法我知是心證得無上正等正

覺王言瞿曇沙門云何乃作如是之說彼有  
耆舊迦葉摩蹉梨娑舍離子散惹曳尾囉致  
子阿唎多計舍剎末羅迦俱那迦且也合二野  
曩祢譏囉陀倪也合二帝子彼等亦知心相尚  
不證無上正等正覺云何沙門少年始新出  
家言證無上正等正覺佛言大王勿作是說  
世有四事不得輕慢何者為四一者王子不  
得輕慢二者龍小不得輕慢三者火小不得  
輕慢四者僧小不得輕慢何以故而彼王子  
生利利種具足王相有大福德於後成長必  
紹尊位愚人無智謂小可慢彼處寶位獲罪  
無悔又復龍者稟性毒惡變現不恒或隱大  
給九  
身作小形質愚人不識輕慢觸惱須臾恚怒  
翻被傷害又復火者能燒一切或見微少不  
得輕慢人若輕者後必蔓延墮落山林皆悉  
燒壞又復僧者清淨自守雖是年少不得輕  
慢見道證果非止老幼亦復不擇久近貴賤  
世人無慧不辯凡聖遇阿羅漢輒起毀辱所

獲罪報如斷多羅樹頭不得再生雖勤懺謝  
亦不除滅時勝軍王得聞如來說是四法深  
心信受追悔言過即以頭面禮佛雙足懺謝  
旋繞歡喜而退

今時世尊於舍衛國化利畢已思欲往彼迦  
毗羅城時勝軍王承佛化導心堅歸向遂發  
使奉書上淨飯王汝皇太子悉達多證得無  
上甘露法味於世出世間咸蒙濟度淨飯王  
聞已遽即思慮雖喜我子已成正覺今若遣  
使定化出家以手稽顙再三詳審時有大臣  
名烏那曳曩見王如是而發問言大王去何  
稽顙不樂王即報言我非不樂有所思事勝  
軍大王有書報我悉達太子已成正覺在舍  
衛國給孤精舍有千弟子皆阿羅漢我昔為  
彼苦行去時發人尋求至今不迴今若遣使  
定是不復云何可知有如此事彼悉達多聰  
明智慧咸悉過人凡所言說誰不諦信我以  
此事而思慮之烏那曳曩即白王言目今請行

願勿為慮王曰唯汝一人我常在念若能尔者誠為大善王即親手而修書曰汝一切義成是我親子既厭煩惱棄國出家為求無上正等正覺已聞成道教化衆生思念之心日時相續今他人得樂唯我苦惱譬如大樹因地而生既有根苗終望果實汝心已遂宜憶往願昔者所言若不證無上菩提寂靜之道誓不再入迦毗羅城大行已成宜應慈我及眷屬等烏那曳曩從王受書速至舍衛行詣精舍既至佛所白言世尊父王淨飯致書於佛言訖捧上佛乃親受開封披讀須臾默然時烏那曳曩又白佛言今請世尊去迦毗羅城佛言我去烏那曳曩即五體投地方伸禮敬禮已再禮以至於極又白佛言世尊若去斯亦無言或不去者必堅請去尔時世尊為烏那曳曩說伽陀曰

佛眼淨能見 無所著之者 見無邊不住  
汝何能將往 佛眼見無邊 不著貪愛者

精進力無往 汝何能將往  
若人心不亂 彼亦無降伏 無邊智無步  
汝何能堅往

若人有得無降伏 彼亦無有不降伏  
如佛進力步無邊 汝以何步能堅往

時烏那曳曩白世尊言我欲持此所說偈頌聞淨飯王佛告烏那曳曩我意不尔又曰若不尔者其意云何佛言欲汝出家又曰我本來時與王有約若是見佛定須迴還佛言汝勿違約要去可去但剃髮染衣斯亦無礙烏那曳曩言世尊為菩薩時尚依父母師長之所教授我今何敢不依教也今求出家願佛

濟度佛即應時度為沙門佛便告言烏那曳曩汝今可往若到本國至宮城門不得便入但立門外請報於王或問何名稱釋迦苾芻王或呼召乃可前進又若問言汝實是釋迦苾芻否即答是實若問一切義成亦如是像耶答言亦尔又問一切義成來否言來當在

給九

九

何時便言後當七日言訖便出若留者亦不得住王曰一切義成若來住宮內否荅言不住王曰樂住何處荅曰林野或住精舍若問何名精舍便可如祇樹給孤精舍具以聞奏佛教示已烏那曳曩欲行佛又告言王者一言便成富貴天起心念一切皆得一切聖人亦復如是佛借神力烏那曳曩於剎那頃到迦毗羅城如佛所教心住正念到官城門住立不進謂閹吏曰汝可奏聞有釋迦苾芻詣門不進王令呼入時烏那曳曩蒙召即入淨飯纔見怪而問曰烏那曳曩汝出家耶荅言出家王言汝當去時何言奏我荅曰奉命即尔本不出家世尊威神方便開化佛世難值正法難聞皇子尚捨至尊小臣何可固執王言似責心實不瞋又以儀相非常不以舊臣見待即命上殿執手慰勞乃令近臣敷座盥淨奉上湯藥及果食等烏那曳曩威儀非凡舉止有則言必詳審情極和暢王以初覩烏

那曳曩剃髮易服言論久之全忘問佛及至於此而復問言我子一切義成善相威儀亦如此耶荅言以我喻佛猶將芥子等須彌山又如牛跡比於大海乃至窻牖之明同彼日光王聞是語思念於子不覺悶絕仆於地上近臣以水灑面方蘇良久復問我子來耶荅來又曰何時到來後當七日王即下勅潔淨內宮嚴飾殿宇以備世尊及聖衆至烏那曳曩白大王言世尊若來不住宮內王曰樂住何處若非林野即住精舍王曰何名精舍鄢那曳曩即以精舍次第白於王曰十六殿堂六十小堂世尊居中聖衆四布諸受用具悉使備足王聞說已遣使速往你也合二識嚕賦林克日併功如給孤精舍次第建立倍持珍寶而嚴飾之尔時世尊至時遣大目犍連汝可徧告諸苾芻衆我今欲往迦毗羅城宜各受持袈裟應器或可爲見父母宗親而行化利大目犍連

拾九

十



奉佛教勅具以佛言徧告一切阿羅漢等已  
 佛領大衆出給孤精舍往赴迦毗羅城父王  
 之請諸阿羅漢前後圍繞佛即瞻顧謂阿羅  
 漢等曰我此眷屬是調伏是離欲是善解脫  
 是阿羅漢是佛眷屬譬如牛王處於衆群亦  
 如象王衆象圍遶師子王師子圍遶鵝王衆  
 鵝圍遶金翅王金翅圍遶又如衆學隨師衆  
 病求醫衆兵輔將衆商依主又如轉輪聖王  
 千子圍遶持國天王樂神圍遶增長天王鳩  
 盤荼鬼圍遶廣目天王龍衆圍遶多聞天王  
 夜叉圍遶日天千光圍遶月天衆星圍遶帝  
 釋大衆圍遶梵王梵衆圍遶乃至復如悉帝  
 彌魚處於海中亦如海神攝聚衆水如來之  
 身三十二相八十種好具足圓滿光明莊嚴  
 如千日光照耀一切行步巍巍猶如寶山具  
 足大悲十力四無所畏等一切諸法  
 尔時世尊與是眷屬隨路而去次第遊化至  
 迦毗羅城不遠有嚕賀迦河時淨飯王將諸

眷屬及大小臣同在河邊預嚴寶蓋幢幡擊  
 鈸吹貝廣設妓樂焚香散花願望世尊又復  
 自嚕賀迦河至你也合二誠嚕馱林乃至城中  
 及與鄣外王勅士庶預令嚴潔丘墟沙磧悉  
 使除去布以淨土灑以香水量其遠近各置  
 香爐俟佛經過給九焚香供養時迦毗羅城士庶  
 長者若男若女各各執持殊妙香花立於路  
 次供養世尊是彼人衆咸謂世尊昔為太子  
 今得成佛歡喜踊躍欲觀儀範又有起念父  
 子相見其禮云何若子拜父與世無殊若父  
 拜子國禮未可太子修道苦行成佛必應與  
 世有別異也人衆填噎路無間隙佛與聖衆  
 將至河次知王眷屬悉在彼處乃自思惟今  
 迦毗羅城父王眷屬及人民等各各念言太  
 子去時百千天人前後圍遶乘空而去雲山  
 修行又去已成正覺領衆化導今徒步歸國  
 有何奇特我今宜應現其神足令父王見及  
 使人民歎異歡喜王及眷屬目見大衆方欲

奔趨迎接世尊佛於是時入三摩地出於東方虛空之中現行立坐卧四威儀相或身上出水身下出火身上出火身下出水復於身中放大光明或青或黃或赤或白及與紅等間雜諸色猶如玻璃互相映澈乃至南西北方亦復如是又諸苾芻各各現通踊身上昇

高七多羅樹世尊於中亦現一身諸苾芻眾現通不等或六多羅樹或五或四或三二一佛恒高出與眾有異如是現已佛與聖眾忽然隱沒如彈指頃已在本處王及眷屬倍生信仰既前迎接王見大眾皆被袈裟儀相相似初不辨認誰是世尊執為弟子時烏那曳

曩引淨飯王至世尊前王見世尊向存子想烏那曳曩乃謂王曰如來斷煩惱習心得自在如日照世住於虛空乘真如乘證最上覺圓滿十力具一切智相好光明清淨照物於法自在利益無邊請王歸仰當求聖道時淨飯王聞此語已惺悟諦信五體投地禮佛雙

足說伽陀曰

生時大地皆震動 樹影覆身不隨日

復以普眼觀眾生 是故我禮最尊足

時諸釋眾見淨飯王禮佛足已即有言曰世尊云何背於世法化眾生也王聞眾議告而言曰汝豈不聞悉達生時大地咸皆六種震

動一切世間光明普照所有黑闇日不能照諸威德光亦所不及是時光明皆悉照耀披黑闇處所有眾生皆以惡業而墮於中忽因光照互得相見各有言此中何時更生眾生於此之時我已頂禮最尊之足是悉達多未出家時行詣瞻部樹下而坐清淨無欲雖

不善法已斷一切分別疑惑樂住無詣寂靜之定一切林樹影隨日轉瞻部樹影廢身不移我既得見驚怪非常乃於此時又禮尊足我今所禮方在第三

佛說眾許摩訶帝經卷第十二  
商權下口角反謂也迨及上音芳葩下及麻也

治美野也 二音 蹂踐蹂踐也 二音 心凝下魚陵反 也分擘 下補 反 蹈音 門音 閭音 也完具 上 反 官 網鞞 下 反 曳尾世上羊 反 映激列下直 阿吟 祭下仁 反 蔓延作上音 下 反 羊不羊 斷之反 自正 楷頤 支音 同怡 前二 闍吏 上 音 下 力 置 天 斤 盟音 既音 什音 到音 比音 反 伏音 擊音 末下音 鄴外 天上音 郊也 噎於 結音 隙音 反 逆音 七音 擊音 鼓

佛說衆許摩訶帝經卷第十三 給十

西吳譯經三藏朝散大夫試鴻臚少卿明教諭法賢奉 譯

尔時淨飯王說是語已心有所思忽然淚下

復說伽陀問世尊曰

往昔住宮中 多人同衛護 山野中怖畏

一身云何住

乙 幸文在

世尊答曰

聖者十種住 我悉已安處 牢繫今解脫

非住人王宮

王曰

象牀金寶飾 昔為汝所寢 山野唯草木

云何得安眠

答曰

解脫之卧具 菩提分莊嚴 眠睡甚適悅

無一切熱惱

王曰

象馬及輦輿 昔出入所乘 一切棘刺地

今云何可行

答曰

我有神足車 精勤乘往復 雖行一切地

不礙煩惱刺

王曰

迦釋迦妙衣 嚴身昔自在 今袈裟麤衣

云何忍被服

答曰

僧伽梨麤衣 牟尼山中服 著已善相生

見者皆深悅

王曰

今寶器中食 恒食最上味 今自持應器

所食知云何